

# Агитатормудин семинар

КПСС-н Элст балгъсна партийн комитет ноябрин 19-д балгъсна агитатормудин семинар кев. Семинарт эклц парт-организацсин агитколлективсин гардачнр, агитпунктсин заведующнр болн агитатормуд—100 гар кун цуглрв.

КПСС-н Ставропольск крайн комитетин лектор ур Никитин „Нарт делкән бәәдлин тускар“ лекц агитатормудт умшдж өгв.

Дарунь агитатормуд РСФСР-н олн-әмтнә заргъс сунъгългънд белдвр келгънә тускар күүндвр кев. Политическ болн научн сургъуль тархалгъна обществин член, танъгъчин прокуратурин кōдлäch ур Чегвинцев, советск олн-әмтн Советск Конституцәс иштә-

гъяр олзджах зөвин болн даалгъврин тускар доклад кев.

Элст балгъсна, балгъсна медлд бәәх колхозмудин болн „Буратинский“ совхозин партийн организацсд 13 агитпункт бұрдәгдджәнә. Эднәр дамждад, эклц партийн организацсин агитколлективс РСФСР-н олн-әмтнә заргъс сунъгългъна тускар сунъгъачнр—олн куч-кōлсч улсин дунд цәәлгъврин кōдлмш ягъдж бұрдәхин туск төр хәләгддж хагългдв.

Куч-кōлсчнрин депутатнрин балгъсна Советин күүцәгч комитет сунъгъачнрин тоогъинь уульнц болгънар диглдж, агитатормудт даругъас медүлх болдж гарв.